



Kratak profil preduzeća

<i>Naziv:</i>	„Rudnici nemetala Kladanj“ d.o.o. Kladanj
<i>Pravni status:</i>	Društvo sa ograničenom odgovornošću
<i>Vlasništvo:</i>	100% državno vlasništvo
<i>Adresa:</i>	Ulica Patriotske lige broj 7. - Kladanj
<i>VD Direktor:</i>	Gđa. Hajrija Dodolović
<i>Broj uposlenih:</i>	13
<i>Osnovna djelatnost:</i>	Vađenje ostalih ruda i kamena D. N.

Jedino zasad otvoreno i okontureno ležište magnezita u BiH nalazi se 17 km od magistralnog puta Sarajevo-Tuzla kod Kladnja. Prije rata u ovom rudniku godišnje se proizvodilo cca 36.000 tona sirovog separisanog magnezita raznih granulata koji se koristio u proizvodnom procesu „Vatrostalne“ Zenica. Ukupne procjenjene bilansne rezerve magnezita na ovom prostoru pri istraženosti od 20% su oko 1,7 miliona tona (od čega oko 81.000 tona otpada na rezerve A kategorije). Od 1992. godine ovaj rudnik je neaktivan i pored nekoliko pokušaja lokalnih i kantonalnih vlasti da se isti reaktivira. Međutim to se ni do danas nije uspjelo riješiti, a strani investitori koji su ranije pokazivali interes za ovaj rudnik preorjentisali su se u druge investicione poduhvate obzirom da im se nisu u to vrijeme uspjele obezbjediti sve relevantne informacije.

Magnezit kao nemetalična mineralna sirovina prema svojim osnovnim karakteristikama danas ima značajnu primjenu u industriji naročito: keramika, građevinarstvo, hemijskoj i farmaceutskoj industriji, a posebno ovdje naglašavamo i u industriji vatrostalnih matrijala.

Kvalitetna ruda magnezita situirana je na jugoistočnom dijelu planine Konjuh gdje se ležište magnezita koncentrisalo u tri rudna revira i to:

- Rudni revir rude magnezita Miljevica,
- Rudni revir rude magnezita Haluge,
- Rudni revir rude magnezita Drinjača.

Na području Kladnja rudu magnezita eksplatisalo je preduzeće Rudnik magnezita „Konjuh“.

Magnezitski rejon vezan je za krivajsko-konjuški ultra bazični masiv koji na zapad doseže skoro do doline rijeke Bosne, na istok do puta Sarajevo-Tuzla (sjeverno od Olova).

Na jugu se graniči sa planinama Zvijezdom i Ravan Planinom (sjeverno od Vareša), a na sjever dopire do Ribnice i Banovića. Kroz središte masiva teče rijeka Krivaja koja ga dijeli na dva slična bloka, zapadni krivajni i istočni konjuški.

Najveća koncentracija magnezitskih ležišta nalazi se u istočnom obodnom dijelu ovog bloka.

Rejon je podijeljen na više sektora od kojih se tri nalaze na istočnim padinama glavnog grebena Konjuh planine (sektori Miljevica, Drinjača i Srebrenica), dva na njenim zapadnim padinama (sektori Zeničica-Župeljeva i Mala Maoča) i jedan na sjevernim padinama Konjuha (sektor Duboki Potok-Zlaća), koji je u stvari nastavak sektora Zeničica u pravcu sjevera.

Sama ruda magnezita je u prirodi magnezijum karbonat $MgCO_3$ koji u čistom stanju sadrži 47,6% MgO i 52,4% CO_2 .

Generalno magnezit u BiH do danas niko nije detaljnije obrađivao, međutim ako gledamo regionalno magneziti se javljaju kao produkt hidrotermalnih rastvora vezanih za dacitno-ardenitki magnetizam.

Dekanloanizacija magnezita na temperaturi od 900-1370°C dobija se kaustični magnezit i služi za dobijanje magnezijum sulfata te u građevinarstvu služi za izradu podova i lokalnih građevinskih obložnih ploča te u proizvodnji celuloze.

Sinteranagrent se dobija sinteranjem u rotacionim pećima na temperaturi od 1800°C i uglavnom služi za proizvodnju magnezita u vidu opeke-cigle i masa.

Bilansne rezerve:

LEŽIŠTE	Kategorija			
	A	B	C1	A+B+C1
Miljevica	81000	424000	296000	801000
Zeničica	/	21000	856000	877000
Ukupno:	81000	445000	1152000	1678000

Potencijalne rezerve C2 kategorije iznose 1.643.000 tona.

Potencijalne rezerve D2 kategorije iznose 200.000 tona.

Kvalitet bilansnih rezervi-prosječni sadržaj za ležište iznosi:

SiO ₂	CaO	MgO
3,29%	1,98%	44,27%

U toku sveobuhvatnih aktivnosti na pokretanju proizvodnje, Vlada Tuzlanskog kantona preko resornog Ministarstva industrije, energetike i rudarstva, pokrenula odgovarajuće aktivnosti vezane za revitalizaciju „Rudnika magnezita Kladanj“.

Shodno istima izvršeni su radovi na istraživanju, sanaciji i prospekcijski napuštenih jamskih objekata, sa naglaskom na maksimalne mjere zaštite u toku njihove operacionalizacije.

Radovi su izvršeni u skladu sa Planom prospekcijskog pregleda napuštenih jamskih objekata u „Rudnicima nemetala Kladanj“ d.o.o. Kladanj.

Izvođenje radova od strane firme „RUDAR“ d.o.o. Tuzla, bilo je u skladu sa Zakonom o rudarstvu, Tehničkim uputstvima izrađenih od strane tehničkog rukovodioca gradilišta i odobreni od Federalne rudarske inspekcije.

Navedeni radovi vršeni su na slijedeći način:

- Gradilište je obezbjeđeno sa izgrađivanjem minimalnih uslova infrastrukture. Osposobljena je prostorija za garderobu radnika, kancelarija za poslovođu kao i potrebne table upozorenja o izvođenju radova.

- U glavnom transportnom potkopu H-920 vršena je sanacija zarušenog dijela hodnika u dužini od 5 m.
- Od ulaza u rudnik do prvog križišta 450 m izvršeno je čišćenje prostorije od stare jamske građe i kamenog materijala ,kao i uspostavljanje odvodnjavanja. Na toj stacionaži nalazio se obrušeni materijal u dužini od 15 m, koji je uklonjen te je prostorija uredno podgrađena i osigurana.
- Od prvog križišta 450 m do 480 m, izvršeno je saniranje prostorije u uspostavljanje odvodnjavanja.
- Na križištu 480 m i ulaska u glavni potkop nalazio se zarušeni dio dužine 12 m, koji je uredno saniran, podgrađen i osiguran.
- Od križišta 490 m do 600 m glavnog izvoznog potkopa H-920 izvršeno je čišćenje prostorije od obrušenog materijala stare građe i uspostavljeno provjetravanje i odvodnjavanje.
- Od križišta 600 do 610 m saniran je zarušeni dio hodnika u dužini od 10m.
- Na križištu 610 do 635 m izvršeno je čišćenje prostorije od nanosa jamskih voda.
- Od kote 635 do 655 m nalazio se zarušeni dio hodnika u dužini od 20 m koji je saniran i uredno podgrađen i osiguran.
- Desni dio jamskih prostorija glavnog transportnog potkopa H-920 od križišta 650 zarušen je 100%. Lijevi dio zarušenog hodnika saniran je u dužini od 400 m gdje je uspostavljeno odvodnjavanje i provjetravanje. Od navedenom križišta lijevo i desno izvršena je sanacija u dužini od 300 m transportnog hodnika.
- Na obje strane hodnika, uspostavljena je ventilacija kroz sipke do otkopa, tako da je sanirano ukupno pet ulaza u otkope kao i u ventilacione sipke.

Dana 04.06.2012. godine izvršen je kontrolni inspekcijski pregled privrednog društva od strane Federalne rudarske inspekcije, te je u Zapisniku o inspekcijskom nadzoru broj UP1-16-18-01504/2012, konstatovano da su okončane prospekcijske i radnje istraživanja u skladu sa Planom prospekcijskog pregleda napuštenih jamskih objekata u „Rudnicima nemetala Kladanj“ d.o.o Kladanj.

Nakon izvršenih radova na saniranju jamskih prostorija, ulaz u jamu je osiguran postavljanjem metalnih vrata, sa propisanim natpisom zabrane ulaska u istu neovlaštenim licima. Metalna vrata su zaključana a ključ je deponovan u resorno Ministarstvo industrije, energetike i rudarstva.

Završetkom istih stvoreni su sigurnosni uslovi za nastavak radova na sanaciji stanja jamskih i vanjskih rudarskih objekata u cilju pokretanja procesa proizvodnje.

Preduzeće je u korigovanom Početnom bilansu stanja - aktivni podbilans na dan 30.06.2012.godine, kao i u poslovnim knjigama na poziciji zemljišta iskazalo vrijednost u iznosu od 987.312,00 KM za ukupnu površinu od 82.033 m² i to za

zemljište površina upisanih u zemljišnoknjižni izvadak NAR i RZ broj: 033-1-NAR-12-000 980, ZK uložak 82, K.o. Tuholj, sa pravom raspolaganja u korist „Rudnik nemetala Kladanj“ d.o.o. Kladanj sa 1/1, koji je izdat od Zemljišnoknjižnog ureda Općinskog suda u Živnicama od 03.07.2012.godine.

Na poziciji građevinski objekti iskazana je vrijednost u iznosu od 298.721,00 KM i to za vrijednost građevinskih objekata izgrađenih na k.č. 2182 po ZK uložku 82 K.o. Tuholj, koji su devastirani kako je naznačeno u Popisnom listu broj 52 za popis zgrada i posebnih dijelova zgrada K.o. Tuholj, a koji je sačinjen u postupku izlaganja podataka o nekretninama, u cilju izdavanja Rješenja Komisije za izlaganje podataka o nekretninama i utvrđivanja prava na nekretninama općine Kladanj broj 06/1-951-52/00 od 03.04.2000. godine, kao i za vrijednost Upravne zgrade, koja je upisana u Knjigu položenih ugovora (KPU) broj 24/01 K.o. Kladanj kao II sprat u površini 234,50 m² poslovne zgrade u ulici Patriotske lige broj 7. u Kladanju izgrađenu na k.č. 1731/1, upisano u PL 1319 i Z.K. uložku 6, K.o. Kladanj od 03.07.2012.godine, sa pravom raspolaganja u korist „Rudnik nemetala Kladanj“ d.o.o. Kladanj.

Tekući finansijski podaci:

Bilansna pozicija	2010. godina	2011. godina	30.06.2012.
Prihodi (KM)	21.642	138.304	103.802
Rashodi (KM)	204.444	195.640	204.560
Dobitak (KM)	-	-	-
Gubitak (KM)	182.802	57.336	100.758

Kapital:

Upravni odbor Kantonalne agencije za privatizaciju Tuzla je na sjednici od 01.10.2012. godine donio Odluku broj 03-741/2012 o odobravanju korigovanog Programa privatizacije i Početnog bilansa stanja na dan 30.06.2012. godine preduzeća “Rudnici nemetala Kladanj” d.o.o. Kladanj kojom je utvrđeno da gubitak iznad visine kapitala po aktivnom podbilansu stanja na dan 30.06.2012. godine iznosi 567.200,00 KM.

Status informacije:

Profil preduzeća izdaje Kantonalna agencija za privatizaciju Tuzla.

Namijenjen je svima koji su zainteresovani za kupovinu udjela Društva, isključivo da im se pomogne pri vlastitim ispitivanjima i procjenama.

Na zahtjev potencijalnog kupca i potpisivanjem Izjave o povjerljivosti, Kantonalna agencija za privatizaciju Tuzla dostavit će Informacioni memorandum “Rudnici nemetala Kladanj” d.o.o. Kladanj, koji će pružiti dodatne informacije o preduzeću. Prilikom preuzimanja Informacionog memoranduma ponuđači su dužni uplatiti naknadu tržišne vrijednosti kopiranja i uvezivanja navedenog dokumenta.

Izjava o povjerljivosti može se dobiti na web stranici Agencije za privatizaciju u Federaciji Bosne i Hercegovine: www.apf.gov.ba

Za ostale informacije i dogovore stojimo na raspolaganju.